



13 AUGUSTUS 2021

EREDIENSTE

Sondag 15 Augustus 2021

Eredienste word in die kerk, kapel en aanlyn aangebied en 50 persone word per diens in die kerk en 20 persone in die kapel toegelaat. Geen besprekings is nodig nie. Die oorfloei van kerkgangers word in die kleinsaal geakkommodeer. Besoek www.stellenberg.co.za of die gemeente se YouTube-kanaal om na die aanlyn dienste te kyk.

Oggenddiens 08:30 in die kerk | Direkte uitsending | Ds. Potgieter

Meditatiewe diens 09:00 in die kapel | Opname | Ds. Philipp Dietmann

Familiediens 09:30 in die kerk | Direkte uitsending | Ds. Visagie

Relevantdiens 18:00 in die kerk | Direkte uitsending | Ds. Ackerman

MET LEEDWESE

- Cecilia (Cecile) Badenhorst (29/01/1958 - 10/08/2021). Cecile was sedert 1998 'n lidmaat van die gemeente en ook voorheen 'n onderwyseres by Hoërskool Bellville. Ons opregte meegevoel aan haar man, Danie, asook twee kinders wat sy agterlaat. Haar gedenkdiens is Dinsdag 17 Augustus om 11:00 in die kerk en aanlyn,
- Ons opregte meegevoel met Japie en Bernise Bothma met die verlies van hulle dogter, Lize Hayes. Bernise en Japie is sedert 1971 lidmate van die gemeente en Lize het ook hier grootgeword. Haar roudiens is op Vrydag 13 Augustus in die kerk gehou.
- Jan Hendrik (Jan) Nothnagel (05/04/1956 - 09/08/2021). Jan is sedert 2020 'n lidmaat van die gemeente en sy gedenkdiens is op Vrydag 13 Augustus in die kapel gehou. Ons opregte meegevoel met sy vrou, Magda, asook hulle drie seuns en skoondogters wat hy agterlaat.

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

STELLENBERGER

FEESUITGAWE

Ter viering van die gemeente se 50ste bestaansjaar is 'n spesiale feesuitgawe van die Stellenberger saamgestel. Lees die uitgawe op www.stellenberg.co.za. Harde kopieë van die feesuitgawe is in die voorportaal van die kerk, asook by die kerkkantoor beskikbaar. Dié uitgawe kan weeksaam tussende tussen 08:00 en 14:00 by die kerkkantoor afgehaal word.



KATEGESE: ANNIBRAND

Junior kategese hervat op 15 Augustus 2021 vanaf 10:15 tot 11:00.

Groepe sal tot 50 persone per groep beperk word.

- Graad 1 tot 3 kom in die kleinsaal byeen.
- Graad 4 tot 6 kom in die ou kafeteria byeen.

Annibrand Senior: Tieners word uitgenooi om die jeugdiens in die kerk om 18:00 by te woon. Gespreksgroepe volg vanaf 18:45 tot 19:30. 150 persone kan op die terrein, in verskillende lokale, geakkommodeer word.

WINTERHULP – DIE NOOD IS GROOT

Hier volg van die dringendste behoeftes waar jy hulp kan verleen:

- **HANDE EN RANDE** is die gemeente se voedselvoorsieningsprogram. Indien jy 'n finansiële bydrae wil maak om voedselnood te verlig, kan jy dit elektronies oorbetal na ABSA-tjekrekening 145 058 0011, takkode 632005. Verwysing: Hande en Rande. Bydraes kan ook by die kerkkantoor inbetaal word.
- **SOP** word aan verskeie sopkombuise in die Skiereiland voorsien. Minstens 250 liter sop word weekliks by sopkombuise in Ravensmead, Wesbank en Khayelitsha aan kinders uitgedeel. Enige iemand wat by die voedingsprojek betrokke wil raak en bereid is om sop te kook en dit in bevrore formaat Maandae tot Vrydae tussen 08:00 en 15:00 by die saalkompleks of kerkkantoor af te gee, se hulp sal waardeer word. Lewer gerus jou bydraes soos dit jou pas.
Hoe meer sop ons insamel – hoe meer kan ons uitdeel! Kontak vir Anéne Nortier 083 581 6930 indien jy enige verdere navrae het.

FEESMARK | PAKKERS EN KASSIERE

Aansoeke om as pakkers, kassiere of vloerbestuurders by die feesmark te werk, is nou oop. Aansoekvorms kan van www.stellenberg.co.za afgelaai word. Stuur voltooide aansoekvorms so spoedig moontlik na feesmark@stellenberg.co.za.

**STELLENBERG
ONDERSTEUNING-
SENTRUM**

SOS bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

Na-ure skakel

083 519 0602.

**KYK NA DIE EREDIENS
OP JOU SELFOON**

WhatsApp, of stuur 'n Telegramboodskap na 081 045 2428 met jou naam + van + aanlyn eredienste. Jy sal dan weekliks die skakel na die aanlyn diens per WhatsApp/Telegram op jou selfoon ontvang.

BEROEPING VAN 'N NUWE LERAAR

Johan Visser het die beroep na Stellenberg-gemeente aanvaar en sal vanaf 1 Februarie 2022 in die gemeente werksaam wees. Hy is 39 jaar oud, getroud met Nicola ('n maatskaplike werker) en hulle het drie kinders. Hy is sedert 2016 medeleraar in die Woodland Hills Gemeenskapskerk (NGK) in Bloemfontein waar hy op jeug- en familiebediening gefokus het. Hy dien ook op JONK Vrystaat en is aktief betrokke by #Imagine. Sy kwalifikasies sluit 'n MDiv (met die fokus op jongvolwassene-bediening) en twee nagraadse diplomas in teologie in. Sy werksondervinding sluit die volgende in:

Jeugwerker NG kerk Brackenfell Moedergemeente – 3 jaar

Jeugwerker Presbyterian Church George – 2 jaar

Jeugwerker NG kerk Paarlberg – 6 jaar (terwyl hy studeer het)

Jeugwerker NG kerk Suider-Paarl – 1 jaar

Medeleraar Woodland Hills Gemeenskapskerk – 5 jaar

DOLERING | NG KERK STRAND

Verskeie briewe het oor die afgelope weke in Die Burger se briewekolom verskyn waarin die NG kerk Strand hulle teenkanting (dolering) rakende amptelike teologiese standpunte van die NG Kerk uitgespreek het. Hierdie aannames is ongelukkig op wanvoorstellings van die NG Kerk se huidige teologiese standpunte gegrond. Die feit dat lesers dié aannames as 'n getroue weergawe van die kerk se amptelike standpunt aanvaar het, het tot verdere verwarring en hartseer aanleiding gegee. Die saak word deur die sinode hanteer. Lidmate is welkom om die aangeleentheid met enige van die gemeenteleraars te bespreek. Stellenberg se belydenis is gegrond op die algemene belydenis van die NG Kerk; die breër gereformeerde tradisie – soos vervat in die Drie Formuliere van Eenheid – waartoe ons behoort; asook spesifiek op die Belhar-belydenis.

REGSTELLING

Adriaan Francois (Riaan) van Wyk (16/06/1946 – 01/08/2021). Riaan was die afgelope 14 jaar 'n lidmaat van die gemeente. Sy gedenkdiens is op 11 Augustus op sy plaas in Gauteng gehou. Ons opregte meegevoel met sy vrou, Anila, asook kinders en kleinkinders wat hy agterlaat.

**EDELWEISS
BYBELSTUDIE**

Donderdag 19 Aug. in die eetsaal om 14:30.

Klaagliedere 5:
Waarom bly U ons vergeet?

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

**GEESTELIKE
DAGSTUKKE**

Geestelike dagstukke, voorberei deur gemeenteleraars, bestaande uit 'n stemboodskap en 'n geskrewe dagstuk, is daagliks op www.stellenberg.co.za beskikbaar of op die gemeente se Facebook- en Instagrambladsye.

BREIGROEP

Die breigroep kom op Maandag 6 September om 09:30 in die markplein bymekaar.

FINANSIES TE MIDDE VAN DIE PANDEMIE

Ons is die Here innig dankbaar dat ons gemeente-inkomste tot dusver grootliks ooreenstem met die aangepaste begroting (met drastiese besparings) vir die afgelope boekjaar (Maart tot Julie). Die grootste bronne van inkomste is die maandelikse dankoffers, Sondagkollektes, feesmark en tiendemaandinsameling, asook inkomste uit die selfoontorings.

Maandelikse dankoffers

	Begroot	Werklik
Maart	R500 000	R520 505
April	R500 000	R453 866
Mei	R500 000	R491 796
Junie	R500 000	R581 193
Julie	R500 000	R493 757
Totaal	R2 500 000	R2 541 117

Sondagkollektes (hoofsaaklik elektronies ontvang)

Maart	R41 650	R46 654
April	R41 650	R41 438
Mei	R41 650	R44 030
Junie	R41 650	R42 351
Julie	R41 650	R21 562
Totaal	R208 250	R196 035

Ons dank die Here vir sy voorsiening.

FINANSIËLE BYDRAES

Leraars en die kerkraad is opreg dankbaar teenoor lidmate wat die gemeente se werksaamhede finansiëel ondersteun, te midde van die finansiële uitdagings wat die Covid-19-pandemie ook aan lidmate stel. Bydraes kan soos volg gemaak word:

EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

SnapScan

